



Inatsisartunut ilaasortaq Aaja Chemnitz Larsen, Inuit Ataqtigiit

**Siusinaartumik pensionisianik iluarsartuusseqqinnissaq pillugu § 37 naapertorlu-
gu apeqqutip nr. 104-p akineqarnera**

Qujanaq apeqqtinnut.

Soorlu matumani akissummi takuneqarsinnaasoq Inuussutissarsiornermut, Aatsitassa-
qarnermut Suliffeqarnermullu Naalakkersuisoqarfik akissuteqarnermi ikiuutaasimavoq.

**1. Inuussutissarsiornermut, Aatsitassarsiornermut Suliffeqarnermullu Naalakkersui-
soqarfiup tusarniaasitsinermi akissummini siusinaartumik soraarnerussutisiaqarner-
mi aaqqissuusseqqinnermut tunngatillugu siunnersuut neriulluarpasilluinnartuusog
eqqaavaa. Tamanna tunngavilersorsinnaavisiuk?**

Inuussutissarsiornermut, Aatsitassaqarnermut Suliffeqarnermullu Naalakkersuisoqar-
fimmit nalunaarutigineqarpoq siusinaartumik pensionisialinnut aaqqissuusseqqinnermi
periuuserineqartut ilaasa suliarisinnaanissaat unammillernartussaassasut, taakkununga
ilaallutik sulisinnaassutsimik nalilersuisarneq suliffiugallartartunilu sulisarneq.

Inuussutissarsiornermut, Aatsitassarsiornermut Suliffeqarnermullu Naalakkersuisoqar-
fimmit nalilerneqarpoq sulisinnaassutsimik nalilersuisoqarnermi kommunini sulisut
sulinerusariaqartassasut, sulisullu qaffassarnissaannut nukissanik pisariaqartitsisoqar-
tussaassasoq.

Tamakku saniatigut Inuussutissarsiornermut, Aatsitassaqarnermut Suliffeqarnermullu
Naalakkersuisoqarfimmit nalilerneqarpoq siunissami suliffiugallartunik amerlanernik
tunniussisoqarniarpat immikkut suliniuteqartoqartariaqassasoq. Kommunini sulianik
ingerlatsisut Inuussutissarsiornermut, Aatsitassaqarnermut Suliffeqarnermullu Naalak-
kersuisoqarfimmut nalunaarsimapput suliffeqarfinni piginnaangorsaqqinnissamut su-
liffiugallartunullu suliffissanik pisariaqartinneqartunik pilersitsiniarnermi massakkut
unammisassaqqartoq, tamatumungalu pissutaalluni sulisitsisut suliffinnut taamaattu-
nut aningaasanik nassaarnissaq ajornakusoortimmassuk.

**2. Inatsimmut siunnersuut Naalakkersuisoqarfinnut attuumassuteqartunut qanoq
ataqatigiissarneqarsimava, tassunga ilanngullugu piginnaangorsaqqinnissamut su-
liffeqarnermullu tunngasutigut annertuumik ilisimasaqarfiusoq Inuussutissarsiorner-
mut, Aatsitassarsiornermut Suliffeqarnermullu Naalakkersuisoqarfik.**

Inatsisissatut siunnersuutip suliarinerani naalakkersuisoqarfinnut attuumassuteqartu-
nut ataatsimiititsisoqarlunilu, workshopertitsisoqarlunilu isumasioqatigiissitsisoqartar-
poq, tamakkulu ingerlannerat inatsisissatut siunnersuutip naggataarlugu ilusilersorne-
ranut isumassarsiorfiusimapput.

**3. Inuit innarluutillit suliffeqarnermi immikkoortinneqarnissaannut inerteqqummik
qulakkeerinnittoqarniarpa?**

27. april 2015
Suliap nr. 2014-101284
All. Nr. 1932859

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Inunnut innarluutilinnut pisinnaatitaaffiit pillugit Naalagaaffiit Peqatigiit Isumaqatigiisutaat Kalaallit Nunaata atsiorsimavaa.

Artikel 5-imi naligiinneq assigiinngitsumillu pinnittoqannginnissaa pineqarpoq, isumaqatigiisummilu Kalaallit Nunaata atsiornermigut inunnik innarluutilinnik assigiinngisitsinnginnissamik Kalaallit Nunaat pisussaaffilerneqarpoq. Artikel 27-imi inuit innarluutillit sulinermikkut imminnut pilersorsinnaanissaannut pisinnaatitaaffik pineqarpoq, naalagaaffiillu peqataasut sulinissamut pisinnaatitaaffiup piviusunngortinnissaanut qulakkeerinnillutillu siuarsaassapput.

Innarluutilinnut inatsimmik nutaamik UPA 2017-imi saqqummiunneqartussatut pilersaarutaasumik piareersaanermi inunnut innarluutilinnut pisinnaatitaaffiit pillugit isumaqatigiisummiittunik inatsisissatut siunnersuummut nutaamut ilanngussisoqassanersoq isummerfigineqarumaarpoq.

Inuussutissarsiornermut, Aatsitassaqaqarnermut Suliffeqaqarnermullu Naalakkersuisoqarfik piginnaanngorsaqqittarneq suliffiugallartullu pillugit innuttaasunut suliffeqarfinnilu peqataasunut paasititsiniaanissamik pilersaaruteqarpoq, tassungalu atatillugu suliffeqarfinnut periarfissat, pisinnaatitaaffiit malittarisassallu annertuumik sammineqassapput, aamma inunnut innarluutilinnut imaluunniit sulisinnaassutsikkut pisinnaasakitsunut tunngatillugu.

4. Siunnersuummut atatillugu kommunini sulisut amerlinissaat pilersaarutigineqarpa?

Piginnaanngorsaqqittoqarnerani suliffissanik suliffiugallartunillu amerlanernik pisariqartitsineq akiorsinnaajumallugu inatsisissatut siunnersuummi siunniunneqarpoq nalilersuisoqarnerata nalaani aqqissuussamik nuussisoqarnerani kommuninut 3,2 mio. kr.-inik tunniussisoqassasoq, taakkulu ukiuni 8-ni suliffissanut naapertuupput, taakkulu aamma nalilersuisoqarnissaanut immikkoortinneqarput.

5. Nunaqarfinni inuit sulisinnaasut piginnaanngorsaqqissagaanni suliffeqaqarnermi peqatit suleqatigalugit nuna tamakkerlugu piginnaanngorsaqqinnissanik pilersitsissagaanni eqaannerusunillu suliffeqartitsissagaanni tamanna qanoq suliniutigineqarniarpa?

Inatsisissatut siunnersuut aqqutigalugu illoqarfinni nunaqarfinnilu suliffiugallartunik piginnaanngorsarlunilu suliffissanik pilersitsinissaq annerusumik isiginiarneqassaaq. Soorlu apeqqut 3-mut akissuteqaqarnermi taaneqareersoq paasititsiniaasoqarnissaa sulisutigineqarpoq, tamatumanilu kommunini sulianik ingerlatsisunik ingerlaavartumik ilinniartitsinerup saniatigut piginnaanngorsarluni suliffinnik suliffiugallartunillu amerlanernik pilersitsinissaq tuaviunneqartussaavoq. Sulisunik pikkorissartitsinerni pingaarnertut anguniarneqarpoq sulisut najukkani inuussutissarsiutinik ingerlataqartunut ajunngitsumik attaveqartarnernik pilersitsinissamut ilinniarnissaat.

6. Maannakkut piviusoq isigalugu piginnaangorsaqqinnermi eqaannerusunillu suliffeqartitsinerni periarfissat ikiliartortillugit qanoq ilisamik piginnaangorsaqqinnermi eqaannerusunillu suliffeqartitsinerni periarfissat amerlisarneqassappat?

Apeqqut 5-imut akissut takuuk.

7. Suliffeqarnermi eqaannerusunik suliffeqarnerit amerlisarneqarnissaannut suliffeqarnermi peqatit oqaloqatigineqarsimappat?

Nuna tamakkerlugu inuussutissarsiornermut suliffeqarnermullu Siunnersuisoqatigiit suliffissat amerlisarniarlugit, suliffissanillu periarfissanik nutaanik pilersitsinissaq pillugit suliffeqarfinni peqataasunik ingerlaavartumik oqaloqateqartarput.

8. Suliffeqarnermi eqaannerusunik suliffinnik amerlanerusunik pilersitsinissami, tassa inunnut immikkut pisariaqartitsisunut ullup ilaannaani sulinissamut naleqqussakkanik pilersitsinissamut anguniakkat iliuutsillu tigussaasut suuppat?

Inunnut suliffiugallartuni sulisunut akissarsianut aningaasartuutit affaat angullugit tapiissuteqartoqartarpoq. Taamaaliornikkut inunnik sulinnaarpiangitsunik sulisoqalerinissamut aningaasaqarnikkut tunngavissaq pilersinneqarpoq.

Inunnik isumaginninnerup suliffeqarnerullu tungaasigut siunissami sulinissamut ilaasumik tunngavissat ilusissaannut immikkut isiginiartoqartussaavoq, taamaaliornikkut pi-sortanut innuttaasunullu suliffissanut periarfissanik, inunnillu immikkut pisariaqartitalinnik atorfinitsitsinissamut tunngavissaqarniassammat.

9. Piginnaangorsareersunut tamakkiisumik sulininnaassuseqartunut suliffissaqartitsinissaq eqqarsaatigalugu politikkikkut qanoq qulakkeerisoqarniarpa?

Inuussutissarsiornermut, Aatsitassaqarnermut Suliffeqarnermullu Naalackersuisoqarfimmit nalunaarutigineqarpoq innuttaasut sisamararterutaasa missaat piginnaangorsaqqinnermik naammassinnittartut imminnut pilersorsinnaalersartut. Innuttaasunut sinneruttunut imminut pilersorsinnaalernissaq anguniarlugu periarfissanik pilersitsiniartoqarnissaa suli sulissutigineqassaaq.

Iliusissanik nutaanik suliaqartoqarnissaa, suliffissaaleqinerullu akiorniarnissaa naalackersuinikkut annertuumik isiginiarneqarput.

Suliffissaaleqinerup annerusumik akiorniarnissaa, kommunit suleqatigalugit suliffissaaleqisunut immikkut ittunik suliniutissat, nuna tamakkerlugu qarasaasiakkut suliffissarsiortarfimmik ammaanissaq kiisalu Nuna tamakkerlugu inuussutissarsiornermut suliffissaqarnermullu Siunnersuisoqatigiinni suliffissaaleqinerup annerusumik isiginiarneqarnera suliffissaaleqinerup appariartinnissanik siunertaqarput. Naalackersuinikkut annerusumik isiginninniartoqarnera inunnut tamakkiisumik ilaannakortumillu sulininnaassusilinnut suliffissanik amerlanernik pilersitsinissamut iluaqutaataaassaaq.

Inussiarnersumik inuulluaqqusillunga

Martha Lund Olsen

